



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49. 4923090001

თარიღი:31/03/2023

გ ა ნ კ ა რ გ უ ლ ე ბ ა №33

არასამეწარმეო (არაკომერციული) იურიდიული პირის „წყალტუბოს მუნიციპალიტეტის სათნოების სახლი“-ს მიერ 2022 წლის III-IV კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ანგარიში, ა(ა)იპ „წყალტუბოს მუნიციპალიტეტის სათნოების სახლი-ს“ მიერ 2022 წლის III-IV კვარტალში გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის `ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბოს მუნიციპალიტეტის სათნოების სახლი-ს“ ანგარიში 2022 წლის III-IV კვარტალში გაწეული მუშაობის შესახებ.
2. ა(ა)იპ „წყალტუბოს მუნიციპალიტეტის სათნოების სახლი-ს“ მიერ 2022 წლის III-IV კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრაძის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი



ანგარიში

არასამეწარმეო (არაკომერციული) იურიდიული პირის „წყალტუბოს მუნიციპალიტეტის სათნოების სახლი“-ს მიერ 2022 წლის III-IV კვარტალში გაწეული მუშაობის შესახებ

მოგახსენებთ , რომ ა(ა)იპ „წყალტუბოს მუნიციპალიტეტის სათნოების სახლში“ 2021 წელს ირიცხებოდა 190 ბენეფიციარი, . მათი კვება ხდება, დღეში ერთხელ, წელიწადში 365 დღე. მათ მომსახურებას უწევს ა(ა)იპ-ის 10 თანამშრომელი. სათნოების სახლის დაფინანსების წყაროს წარმოადგენს წყალტუბოს მუნიციპალიტეტის ბიუჯეტიდან გამოყოფილი სახსრები, 2022 წლის ბიუჯეტი შეადგენდა 285940 ლარს, აქედან მე-3-4 კვარტალში დაიხარჯა 151619 ლარი. კვების რაციონს შეადგენს : კვირაში 5ჯერ ხორცის კერძი , წვნიანები , წიწიბურას, ბრინჯის და ვერმიშელის ფაფები, კვერცხი , ლობიო, მკარონი , ყველი. 250 გრამი პური ერთ ბენეფიციარზე და ხილის კომპოტი. ადამიანის დღიური კვების რაციონი უნდა იყოს 1700 დან 2500 კალორიამდე, ჩვენი ერთჯერადი კვების რაციონით, თითოეული ბენეფიციარი იღებს 1600 კალორიამდე , რაც მოგეხსენებათ საკმაოდ კარგი მაჩვენებელია. 2022 წლის ბოლოს , შეგვამოწმა საქართველოს სახალხო დამცველის აპარატის წარმომადგენლებმა, მათ დეტალურად მოიკვლიეს ჩვენი საქმიანობა, დაათვალიერეს დოკუმენტაცია, სამზარეულო , სასადილო დარბაზი, საწყობები და მაცივრები, მათგანაც ერთ შენიშვნასაც არ ქონია ადგილი, პირიქით, აღნიშნეს , რომ იმერეთის მასშტაბით ყველაზე მოწესრიგებული, სუფთა და ბენეფიციართა საჭიროებაზე მორგებულია ჩვენი მენიუ და საქმიანობა. რაც დადებითად აისახა სახალხო დამცველის წლიურ ანგარიშში.სადაც წყალტუბოს სათნოების სახლი არაერთხელაა მოხსენიებული , როგორც სამაგალითო . არსებული პანდემიის ფონზე, ჩვენს სამსახურს, ერთი დღითაც არ შეუწყვეტია საქმიანობა, პანდემიის დაწყების პირველივე დღეებიდან ,აკრძალეთ ადგილზე კვება და გადავედით გატანის სერვისზე, რაც გაგრძელდა 2023 წლის თებერვლის ბოლომდე. წარმატებით მუშაობდა და მუშაობს შინმოვლის პროგრამა ,რითაც გადაადგილების შესაძლებლობას მოკლებულ ბენეფიციარებისათვის სახლში მიგვაქვს საკვები, ასეთი გვყავს 20 ბენეფიციარი. აღნიშნული პროგრამა გათვლილია კვირაში 3 დღეზე ,თუმცა, ბენეფიციართა საჭიროების ფონზე , ყოველდღიურად ვაწვდით საკვებს და სხვა სერვისებს . 2022 წლის ნოემბერში გამოვაცხადეთ 2023 წლის ბენეფიციართა კვებისათვის საჭირო ტენდერები, რომლებიც 2022 წლის ნოემბრის ბოლოს წარმატებით, დამთავრდა , ასე , რომ 2023 წელს ბენეფიციართა კვებას საფრთხე არ ემუქრება. 2022 წლის მე-3-4 კვარტალში ბენეფიციართა კვებაზე დაიხარჯა 80402,53 ლარი შრომის ანაზღაურებაში- 48600 ლარი კომუნალურ ხარჯებში 2605,27 ლარი ფიჭურ კავშირგაბმულობასა და ინტერნეტმომსახურებაზე - 666,93 ლარი საწვავი და ავტომობილის მოვლა პატრონობაზე დაიხარჯა - 8388,52 ლარი. ხელთათმანი, სადუზინფექციო ხსნარები) ასევე ყოველკვირეულად ვატარებთ შენობის სადუზინფექციო სამუშაოებს, ყოველივე ამისათვის დაიხარჯა 250 ლარი შენობა -ნაგებობის დაცვაზე დაიხარჯა 560 ლარი. სანიტარული საგნების შეძენაზე დაიხარჯა 1220 ლარი, საკანცელარიო ხარჯი 339,8 ლარი. საოფისე ინვენტარის შეძენა რემონტზე დაიხარჯა -721 ლარი. მივლინებებში- 185 ლარი პრემია- 5250 ლარი სულ 2022 წლის მე-3-4 კვარტალში დაიხარჯა 151619.05 ლარი. უკრაინაში რუსეთის აგრესიის გამო ,შექმნილი ეკონომიკური კრიზის ფონზე შევიძინეთ და გადავწყვიტეთ მუდმივად ვიქონიოთ (მანამ სანამ

კრიზისი არ აღმოფხვრება) 3 თვის არამალფუჭებადი პროდუქტების მარაგი, რათა თავიდან ავიცილოთ რაიმე სახის პრობლემა ბენეფიციართა კვებაზე. ა(ა)იპ წყალტუბოს მუნიციპალიტეტის სათნოების სახლი მუშაობს ყოველგვარი შეფერხების გარეშე.